

मार्निंग डोगरी न्यूज़ बुलेटिन, समें. 09.20 Hrs

<><><><><><>

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै जगमोहन शर्मा।

Headlines

- 1- समूलचे जम्मू-कश्मीर च विधानसभा चुनाएं दे पैहले गेड़ लेई प्रचार तेज, राहुल गांधी अज्ज रामबन ते अनंतनाग जिलें च रैलिंग गी संबोधित करडन।
- 2- डी.आई.जी शिव कुमार शर्मा होरें अखनूर दे दूर-दरेडे इलाकें दा दौरा कीता, उत्थे जारी चुनांs ते सुरक्षा सबरंधी तैयारिएं दा जायजा लैता।
- 3- मुख सचिव अटल डुल्लू होरें श्रीनगर आले विधानसभा परिसर दी मरम्मत ते उसी नमें सिरेया सोआरने दे कम्मै च हासल प्रगति दी समीक्षा कीती।
- 4 पेरिस पैरालंपिक्स च भारत नै अजें तगर कुल 20 तगमें हासिल करी लैते न। पैरालंपिक्स दे कुसै इक संस्करण च एह भारत दा अजें तोहड़ी दा सब्बनें शा बेहतरिन प्रदर्शन ऐ।

<><><><><><>

Campaign

जम्मू-कश्मीर च पैहले गेड़ दे असैम्बली चुनाएं लेई चुनांs प्रचार जोरें-शोरें जारी ऐ। बक्ख-बक्ख सियासी नेता अपने सरबंधत मेदवारें दे पक्ख च रैलियां-जलसे करै करदे न। लोकसभा च

विपक्ष दे नेता ते कांग्रेस पार्टी दे साबका प्रधान राहुल गांधी होर अज्ज रामबन जिले दे बनिहाल ते अनंतनाग जिले दे डुरु असैम्बली हल्के च दऊं रैलिंगं गी संबोधित करडन। कांग्रेस पार्टी दे प्रधान मल्लिकार्जुन खड़गे ते राहुल गांधी होरें नमीं दिल्ली च इक बैठक दौरान जम्मू-कश्मीर च चुनावी तैयारिएं दी समीक्षा कीती। पार्टी सूत्रें मुजब राहुल गांधी होर बड्डलै 10 बजे जम्मू ब्हाई अड्डे पुज्जडन जित्थुआं ओह् हैलीकॉप्टर राहें संगलदान जाइयै दिने 11 बजे कांग्रेस मेदवार विकार रसूल वानी हुंदे हक्के च इक रैली गी संबोधित करडन। एहदे परेंत ओह् दपैहरी साड्डे 12 बजे डुरु च इक होर रैली करडन। एह् रैलियां औंटी 18 सितंबर गी होने आले पैहले गेड़ दे चुनांs लेई मैदान च खड़ोते दे पार्टी दे मेदवारें लेई कीतियां जा करदिआं न। गृह मंत्री ते बीजेपी दे वरिष्ठ नेता अमित शाह होर बी बीजेपी मेदवारें दे पक्ख च डोडा-किश्तवाड़ खिते च इक रैली करडन। उआं एहदे लेई तरीक अजें तय नेई होई दी ऐ। डोडा, किश्तवाड़ ते रामबन जिले दिएं 8 असेम्बली सीटें सने दक्खनी कश्मीर दे अनंतनाग, पुलवामा, शोपियां ते कुलगाम जिले दिएं 16 सीटें लेई बी पैहले गेड़ तैहत 18 सितंबर गी वोट पाए जाने न।

<><><><><><>

MCC-FIR

सोशल मीडिया पर वायरल होई दी इक भड़काऊ वीडियो दा संज्ञान लेंदे होई इंदरवाल दे रिटर्निंग अफसर होरें एफ.आई.आर दर्ज करोआइयै पुलस गी इस मामले दी जांच करने लेई आखेआ ऐ। इस वीडियो च किश बेपंछानू लोक भड़काऊ ते ऐतराजजोग नारे लांदे होई मेदवार गुलाम मोहम्मद सरूरी दा पक्ख लै करदे न। आदर्श आचार संहिता दरान नेय भड़काऊ नारे जां दुष्प्रचार इक चुनावी अपराध मन्नेया जंदा ऐ। सरबंधत मेदवार गी नोटिस जारी करियै इस बारे

पुच्छेया गेआ जिनें गलाया जे उनेंगी इस बारे कोई जानकारी नेई ऐ ते लगदा ऐ जे किश शरारती तत्वे इस वीडियो कन्ने छेइछाइ करियै इसी वायरल कीता ऐ। पुलस आस्सेया इनें शरारती तत्वे गी हिरासत च लैने लेई तफतीश कीती जा करदी ऐ।

<><><><><><>

DPAP-List

गुलाम नबी आजाद हुंदी अगुवाई आली डेमोक्रेटिक प्राग्रेसिव आजाद पार्टी D.P.A.P. नै औंदे विधानसभा चुनां दे दुए ते त्रीए गेइ लेई 10 मेदवारें दी अपनी दुई लिस्ट जारी कीती। चौधरी गारू राम, पार्टी दे जम्मू दक्खन थमां मेदवार होंगन जिसले जे अशोक शर्मा होरें गी कालाकोट सुंदरबनी ते महेश्वर सिंह होरें गी जम्मू उत्तर थमां चुनां मैदान9 च तोआरेआ गेआ ऐ। इस्सै चाल्ती अशोक भगत मढ़ थमां, सोबत अली बाहु थमां, विनोद मिश्रा साम्बा थमां, गौरी शंकर बनी, संदीप कुमार सरमाल रामनगर, गौरव चोपड़ा जम्मू पच्छिम ते आगा सैयद अब्बास रिजवी वगूरा करीरी थमां D.P.A.P. दे मेदवार बनाए गेन।

<><><><><><>

DIG-Visit

औंदे असेंबली चुनां लेई सुरक्षा बंदोबस्तें दा जायजा लैने गितै जम्मू-साम्बा-कठुआ रेंज दे डी.आई.जी शिव कुमार शर्मा होरें अखनूर ते चौकी चौरा दे दूर-दरेडे इलाकें दा दौरा लाया। इस मौके उनें उत्थे तैनात नीम फौजी बलें दे जावनें कन्ने गल्लबात बी कीती। उनें सुरक्षाबलें दे ठैहरने लेई कीते गेदे बंदोबस्तें दा बी निरीक्षण कीता। डी.आई.जी होरें सरबंधत अफसरें गी निर्देश दिता जे ओह हालिया आतंकवादी हमलें दी पच्छोकड़ै च मते सौहगे-सतर्क रौहन ते

इलाके च नाके गी होर तगड़ा करी देन। उनें सरकारी हायर सेकेंडरी स्कूल चौकी चौरा सनें दूर-दरेडे मतदान केंद्रें पर कीती गेदी तैयारिएं दा बी जायजा लैता।

<><><><><><>

Samba Petrol Pump

साम्बा दे जिला चुनां अधिकारी होरें एल्ले जारी चुनावी अवधि दौरान पेट्रोल पम्प मालकें आस्सेया आदर्श आचार संहिता दी पालमा बारै कल इक बैठक दौरान चर्चा कीती। बैङ्क च जिले दे सब्बनें 38 पेट्रोल पम्पें दे नुमाइंदें ते बक्ख-बक्ख मैहकमें दे अधिकारिएं हिस्सा लैता। जिला चुनां अधिकारी होरें उंदे पर जोर पाया जे ओह आदर्श आचार संहिता दी अमल आवरी दरान इक निर्पक्ख रौंस अखितयार करियै रक्खन। पेट्रोल पम्पें गी सख्ती कन्ने एह निर्देश दिते गेदे न जे ओह कुसै बी सियासी पार्टी कन्ने सरबंधत गड्डी गी मुफ्त पेट्रोल यां डीजल नेई देन। पेट्रोल पम्पें दे मालकें गी इब्बी आखेआ गेआ ऐ जे ओह पम्पें पर कुसै बी सियासी पार्टी दी मशूहरी लेई पोस्टर, झंडे यां बैनर वगैरा नेई लान। एहदे अलावा उनेंगी इब्बी निर्देश दिता गेआ ऐ जे ओह चुनावी इयूटी लेई तैनात गड्डीएं गितै सुद्दी मात्रा च ईंधन दी दस्तयाबी यकीनी बनान।

<><><><><><>

SVEEP-Kathua

औंदे विधानसभा चुनां च मते शा मते मतदाताएं दी शमूलियत गी यकीनी बनाने लेई कल कठुआ जिले दी कीड़ियां थार सरकारी हायर सेकेंडरी स्कूल च स्वीप तैहत इक जागरूकता कार्यक्रम दा सरिस्ता कीता गेआ। इस मौके पर स्किट मतलब लौहके नाटक रां वोट पाने दे

महत्व गी उजागर कीता गेआ। इस कार्यक्रम च विद्यार्थिं मते उत्साह कन्नै हिस्सा लैता ते मजूद लोकें गी आगाह कीता जे अपने वोट दी ताकत दा इस्तेमाल ऐसे मेदवार गी चुनने लेई कीता जाना लोड़चदा जेड़ा लोकें दी भलाई बेहतरी लेई कम्म करदे होई मुखे दे पूरे-पराते विकास लेई बी कम्म करै।

<><><><><><>

ते हुन बाकी दिएं खबरें कन्नै जगमोहन शर्मा।

CS-Assembly Complex

मुख सचिव अटल डुल्लू होरें कल श्रीनगर च विधानसभा परिसर दा दौरा लाया ते उत्थे चलै करदे मरम्मत, सुधार ते निर्माण कम्में दी प्रगति दा जायजा लैता। अटल डुल्लू होरें अधिकारिं गी जोर देइए आखेआ जे कम्मै दी रफतार च तेजी आंदी जा ते बाकी रौंदे कम्में गी जिन्ना तौले होई सके तोड़ चाढ़ेया जा। उनें स्पीकर, डिप्टी स्पीकर ते विपक्ष दे नेता आले कक्षें ते लाइब्रेरी दा बी चक्कर लाया ते उत्थे जारी कम्में दा मुआयना कीता। सचिवालय परिसर च किश हिस्सें दे कम्में च सुधार पर जोर दिंदे होई डुल्लू होरें आखेआ जे परिसर च इंटरनेट दी बवस्था, साउंड सिस्टम, नमें क्लीन बछाने ते इमारत दे पूरे-पराते सुधार ते रख-रखाव पर जोर दिता। दौरै दौरान उनें जम्मू ते श्रीनगर दौनें शैहरें च एम.एल.ए होस्टलें दे कम्में बारै बी जानकारी हासल कीती ते उनेंगी बेहतर ते हर जरूरी आधुनिक सुविधा कन्नै लैस करने दा निर्देश दिता।

<><><><><><>

Labour-Commissioner

लेबर कमीशनर हुंदे दफ्तर पास्सेया जारी इक इतलाह मुजब जम्मू-कश्मीर दे सब्बनें दकानदारें ते बपारिक प्रतिष्ठानें गी अपनी हट्टी, दफ्तर या प्रतिष्ठान हफ्ते च इक रोज, लाजमी तौरा पर नागा यानि बंद रखना होग। जारी सर्कुलर च आखेआ गेआ ऐ जे श्रम कनून दी धारा 13 मुजब कोई बी मालक अपने मलाजम गी नागे आले रोज न ते अपनी दकान, शो रूम या कुसै प्रतिष्ठान च या बपार दे गै सिलसिले च कुसै होर थाहर सद्दी सकदा ऐ ते नां गै नागे आले दिन दी तनखाह कट्टी सकदा ऐ। इस सिलसिले च जम्मू-कश्मीर दे सब्बनें सहायक श्रम आयुक्तें गी निर्देश दिता गेआ ऐ जे ओह इनें नियमें दी अमलावरी गी यकीनी बनान ते इंदी खलाफवर्जी करने आलें पर सख्त कार्रवाई कीती जा।

<><><><><><>

DLSA-Poonch

पुंछ दे जिला अदालती परिसर च औंदी 11 सितंबर गी इक राश्ट्री लोक अदालत दा सरिस्ता कीता जा करदा ऐ। इस सरबंधें च जिला कनूनी सेवा प्राद्यिकरण पुंछ आस्सेया औंदी 7 सितंबर गी जिला अदालती परिसर च लोक अदालत शा पैहले आले सत्र बी लोआए जाडन।

<><><><><><>

Paralympics

पैरिस पैरालंपिक च भारत ने कल 5 तगमे जिते। एहदे कन्नै गै तगमें दी कुल गिनतरी 20 होई गई ऐ जेड़ा पैरालंपिक दे इतिहास च अजें तगर सबबनें थवां बेहतर प्रदर्श ऐ। दीप्ति जीवनजी नै महिलाएं दी 400 मीटर टी-20 दौड़ च कैंs दा तगमा जितेआ ते उत्थें गै शरद कुमार नै चांदी दा ते मरियप्पन थंगावेलू होरें मर्दे दी उच्ची छाल टी-63 च कैंs दा तगमा

जित्तेआ। मर्दे दे नेजा सुट्टने आले मुकाबले च एफ-46 च भारत नै अजीत सिंह दे चांदी ते सुंदर गुर्जर दे कैस दे तगमें कन्नै 2 पदक हासिल कीते। 7 दिन भारतीय दल कई सारे मुकाबलें च हिस्सा लैग। मर्दे दी गोला सुट्टने आली प्रतियोगिता च सचिन खिलारी, मोहम्मद यासिर ते रोहित कुमार हिस्सा लैडन।

<><><><><><>